



SLUŽBENE NOVINE

KANTONA SARAJEVO

Godina XXVII - Broj 45

Četvrtak, 10. 11. 2022. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 5. stav (6), a u vezi sa članom 126. tačka a) Zakona o policijskim službenicima Kantona Sarajevo ("Službene novine Kantona Sarajevo", broj 38/18, 26/19 i 39/20), Vlada Kantona Sarajevo, na 99. sjednici održanoj 27.10.2022. godine, donijela je

UREDBU

O IZMJENAMA UREDBE O OBLIKU SLUŽBENE POLICIJSKE ISKAZNICE I POLICIJSKE ZNAČKE POLICIJSKIH SLUŽBENIKA UPRAVE POLICIJE MINISTARSTVA UNUTRAŠNJIH POSLOVA KANTONA SARAJEVO

Član 1.

(Izmjena člana 3.)

U Uredbi o obliku službene policijske iskaznice i policijske značke policijskih službenika Uprave policije Ministarstva unutrašnjih poslova Kantona Sarajevo ("Službene novine Kantona Sarajevo", broj 39/21) u članu 3. st. (2), (3) i (4) mijenjaju se i glase:

- "(2) Policijska značka izrađuje se od mesinga hemijskog sastava: Cu 84 do 86%, Pb do 0,05%, Fe do 0,05%, Zn ostatak do 99,8%. Značka se isjeća iz lima debljine 2 mm navedenog sastava, a reljef na prednjoj strani se dobija plastičnom deformacijom, upotrebom alata koji je napravljen kao negativ reljefa lica značke, u jednom ili više prolaza. Značka se polira do visokog sjaja, te se prije bojenja zaštićuje adekvatnim hemijskim procesom kako bi bila otporna na hemijsko nagrizanje. Bojenje se vrši kvalitetnim epoksidnim emajl bojama.
- (3) Policijska značka je u obliku stilizovanog štita, reljefne izrade sa ravnom zadnjom stranom. Posmatrajući značku pričvršćenu na vertikalnu površinu širina značke je 60 mm, a visina 72,5 mm.
- (4) U gornjem dijelu policijske značke na površini koja svojim oblikom prati gornji rub značke i visoka je 15 mm nalazi se utisnut centriran tekst sa karakterima Helvetica Black

Condensen 8.5pt, u tri reda koji glasi: "KANTON SARAJEVO, MINISTARSTVO UNUTRAŠNJIH POSLOVA, UPRAVA POLICIJE". Ova površina se prostire rubom ostatka značke širinom 2 mm. Na sredini značke nalazi se desetokraka zvijezda sa vrhovima krakova maksimalno udaljenim jedan od drugog 44 mm. Krakove zvijezde čini po devet greda, koje su simetrično raspoređene u obliku stilizovanog sunca, između vrhova krakova uvučene u polukrug tako da se skraćuju prema središtu. Ispod zvijezde se nalazi površina u ravni lica značke širine 14mm, a visine 5mm na kojoj se gravira broj značke sa četiri znamenke preko cijele površine. Površina između ruba značke, zvijezde i površine sa brojem značke je obojena plavom bojom koja je definisana CMYK sistemom označavanja boja i to C:40, M:40, Y:0 i K:60. Na zvijezdi se nalazi centriran krug koji je u ravni lica značke prečnika 20mm u kojem je utisnut grb Kantona Sarajevo širine 13mm, a sa ostalim dimenzijama koje su proporcionalne ovoj dimenziji. Dubina reljefa grba Kantona Sarajevo treba biti dovoljna da se mogu nanijeti boje grba Kantona Sarajevo. Oko definisanog kruga nalazi se prsten širine 5 mm u boji srebra. U gornjem dijelu prstena nalazi se utisnuta na latiničnom pismu centrirana riječ: "POLICIJA" sa karakterima Arial Black 12pt., a u donjem dijelu prstena nalazi se utisnuta na ćiriličnom pismu centrirana riječ: "POLICIJA" sa karakterima Arial Black 12pt."

Član 2.

(Izmjena člana 7.)

U članu 7. st. (1), (2) i (7) mijenjaju se i glase :

- "(1) Iskaznica ima oblik pravougaone kartice zaobljenih uglova, izrađuje se od polikarbonatnog materijala i dimenzija je standardne bankovne kartice (približno 85 mm x 55 mm).
- (2) Obje strane iskaznice štampaju se bojama otpornim na UV zrake. Iskaznica se sa obje strane nakon štampanja na adekvatan i trajan način zaštićuje od habanja.
- (7) Iskaznica posjeduje RFID elektronski sklop."

Član 3.

(Izmjena člana 9.)

- (1) U članu 9. stav (2) mijenja se i glasi :

"(2) Futrola se izrađuje od kvalitetne goveđe kože, debljine 1,1 mm do 1,2 mm. Kožna futrola je crne boje, dvodjelna, u sklopljenom položaju je pravougaonog oblika, sa dimenzijama širine 80mm i dužine 110 mm, a otvara se po dužini. Sama koža je anilinski prebojena i bez nanosa pokrivne boje na licu kože. Lice kože je glatko, ugađeno i bez površinskih oštećenja. Prostor namijenjen za iskaznicu je omeđen na adekvatan način u cilju učvršćivanja iskaznice u istom i otvor za istu je zaštićen kvalitetnom providnom zaštitnom folijom."

- (2) Stav (4) se briše.
- (3) Dosadašnji st. (5) i (6) postaju st. (4) i (5).

Član 4.
(Izmjena obrazaca)

Sastavni dio ove uredbe su izmijenjeni obrasci broj 1, 2 i 4.

Član 5.
(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".


Broj 02-04-43961-4/22
27. oktobra 2022. godine
Sarajevo

Po ovlaštenju premijera
Ministar
Davor Čičić, s. r.


OBRAZAC BROJ 2



OBRAZAC BROJ 4



OBRAZAC BROJ 1



Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 99. sjednici održanoj 27.10.2022. godine, donijela je

**ODLUKU
O DAVANJU SAGLASNOSTI NA AMANDMAN BR. 2
UGOVORA O REKONSTRUKCIJI, SANACIJI ILI
REVITALIZACIJI PRVE GRUPE JAVNIH OBJEKATA U
CILJU POBOLJŠANJA ENERGIJSKE EFIKASNOSTI U
OKVIRU PROJEKTA "ENERGIJSKA EFIKASNOST U
JAVNIM OBJEKTIMA KANTONA SARAJEVO"**

I

Daje se saglasnost na Amandman br. 2 Ugovora o rekonstrukciji, sanaciji ili revitalizaciji prve grupe javnih objekata